

9 April 2023  
**Kenyataan Media**

### **PEMERIKSAAN KENDERAAN SUKARELA SECARA PERCUMA DI PUSPAKOM SEMPENA HARI RAYA AIDILFITRI**

**Shah Alam, 9 April 2023** – Sebagai salah satu langkah memastikan keselamatan jalan raya pada hari perayaan Aidilfitri ini, PUSPAKOM telah mengambil inisiatif menganjurkan kempen Pemeriksaan Kenderaan Sukarela Secara Percuma kepada semua pemandu dan pemilik kenderaan persendirian bermula dari 10 April hingga 20 April 2023.

Dengan tanda pagar #drivesafenoregrets PUSPAKOM ingin mengingatkan orang ramai khususnya pemilik dan pemandu kenderaan persendirian yang ingin pulang ke kampung pada musim perayaan ini supaya memastikan kenderaan mereka berada di tahap kondisi yang terbaik sebelum memulakan perjalanan.

Para pemilik kenderaan yang ingin mendapatkan pemeriksaan percuma ini yang juga dikenali sebagai VVI (Voluntary Vehicle Inspection) boleh hadir secara walk-in ke mana-mana cawangan PUSPAKOM seluruh negara (kecuali cawangan Shah Alam, Taman Bukit Maluri dan Pasir Gudang) dari jam 8.00 pagi hingga 5.00 petang.

Demi merancakkan lagi kempen ini, PUSPAKOM turut menganjurkan peraduan mudah kepada pelanggan di samping mengerah Unit Pemeriksaan Bergerak untuk menawarkan pemeriksaan percuma di beberapa lokasi terpilih iaitu:

<b>NO</b>	<b>TEMPAT</b>	<b>TARIKH</b>	<b>MASA</b>
1	Wisma DRB-HICOM	11 April 2023	9.00 pagi – 4.00 petang
2	MMU Cyberjaya (kakitangan sahaja)	11 April 2023	9.00 pagi – 4.00 petang
3	Setia AlamImpian	15 April 2023	9.00 pagi – 4.00 petang
4	Lotus's Ara Damansara	19 April 2023	9.00 pagi – 4.00 petang

Menurut Ketua Pegawai Eksekutif PUSPAKOM, Mohammed Shukor Ismail, "Kempen pemeriksaan percuma sempena perayaan Aidilfitri ini bertujuan membantu pemilik kenderaan

mengetahui kondisi kenderaan mereka melalui pemeriksaan yang menggunakan peralatan berkomputer PUSPAKOM yang seterusnya maklumat ini mereka boleh gunakan sebagai rujukan untuk melakukan penyelenggaraan yang sewajarnya”.

“Pada kempen kali ini, kami beri layanan VIP kepada pelanggan yang menjalani pemeriksaan sukarela di mana mereka boleh hadir terus ke PUSPAKOM tanpa perlu temujanji dan turut diberi keutamaan,” kata Shukor lagi.

“PUSPAKOM menjadikan kempen pemeriksaan kenderaan percuma ini sebagai satu tanggungjawab korporat syarikat dalam meningkatkan kesedaran orang ramai tentang kepentingan keselamatan kenderaan terutamanya ketika musim perayaan,” ujar Shukor.

Untuk makluman, Pemeriksaan Kenderaan secara Sukarela ini tertumpu kepada aspek keselamatan iaitu pemeriksaan brek, gelincir sisi, tayar, suspensi, asap, lampu, bahagian bawah dan atas kenderaan, cermin gelap dan banyak lagi.

Untuk maklumat lanjut dengan Pemeriksaan Kenderaan Sukarela Secara Percuma ini dan cara memenangi hadiah, sila layari [www.puspakom.com.my](http://www.puspakom.com.my) atau Facebook PUSPAKOM Sdn Bhd.

#

## **MENGENAI PUSPAKOM**

**Puspakom Sdn Bhd (PUSPAKOM)** merupakan syarikat pemeriksaan kenderaan yang pertama dan satu-satunya yang dilantik oleh Kerajaan Malaysia untuk menjalankan semua pemeriksaan mandatori bagi kedua-dua kenderaan komersial dan persendirian. Ditubuhkan pada tahun 1994, kami adalah anak syarikat milik penuh DRB-HICOM Berhad.

Peranan utama kami adalah untuk menjalankan pemeriksaan ke atas kenderaan untuk membantu pemilik kenderaan dalam memastikan kenderaan berada di dalam keadaan yang selamat untuk dipandu di atas jalan raya serta memastikan pemilik kenderaan mematuhi peraturan-peraturan dalam memelihara alam sekitar melalui ujian pelepasan asap. Ini akan dilakukan melalui pemeriksaan yang ketat dan teliti terhadap kenderaan untuk memastikan mereka mematuhi peraturan keselamatan Kerajaan.

Setiap tahun, PUSPAKOM menjalankan lebih daripada 3 juta pemeriksaan kenderaan. PUSPAKOM mempunyai rangkaian di seluruh negara di 54 pusat pemeriksaan yang dilengkapi peralatan yang diiktiraf dan dikalibrasi oleh pihak berkaitan dari semasa ke semasa. Selain itu, PUSPAKOM juga mempunyai lebih daripada 25 pemeriksaan secara lawatan yang menyediakan perkhidmatan pemeriksaan kenderaan di kawasan kurang penduduk dan di luar Bandar.

Perkhidmatan Pemeriksaan Bergerak PUSPAKOM terdiri daripada Unit Bergerak Trak, Unit Bergerak Van dan Unit Bergerak Ringan, menyediakan perkhidmatan pemeriksaan kenderaan dari pintu ke pintu kepada pelanggan individu dan korporat kami. Kami bangga memberikan perkhidmatan pemeriksaan kenderaan yang cepat, cekap dan tepat secara profesional.